



Page: 13

Reach: 0

Country: BOSNIA AND HERZEGOVINA

Size: 412 cm2

1 / 1

Sokolačka grupa predana Tužilaštvu BiH

Pronađeno 70-ak ukradenih automobila

Dijelovi isječenih vozila šleperima prevezeni u Sarajevo, policija će ispitati da li su u krađe vozila umiješani policajac i vozač direktora jednog šumskog gazdinstva

Milorad Mirković, Aleksandar Subašić, Zoran Čobović i Velimir Simić, osumnjičeni za autokriminal, koji su uhapšeni na području Sokoca u utorak i srijedu tokom akcije SIPA, predati su Tužilaštvu BiH, a iz ove pravosudne institucije nisu nam željeli reći da li su osumnjičeni saslušani, te da li će eventualno biti predloženo određivanje pritvora.

Šef u bijegu?

Iz SIPA je potvrđeno da su četvorica osumnjičenih predana Tužilaštvu BiH, te da je u ovoj akciji, prilikom pretresa, pronađeno 70-ak ukradenih automobila (isječenih u dijelove) visoke klase. Dijelovi pronađenih automobila jučer su šleperima prevezeni u Sarajevo radi dalje obrade.

Naime, pripadnici SIPA u utorak navečer su na području Sokoca zašli Mirkovića, Subašića i Čobovića dok su sjekli i rastavljali ukradenu vozila, te ih uhapšili. Prilikom pregleda terena, inspektori su pronašli više od osam rastavljenih vozila. U nastavku aktivnosti u



Na više lokacija nađeni dijelovi vozila visoke klase najnovije proizvodnje okvira ovog predmeta u srijedu su pretreseni objekti i pregledan teren na više lokacija na širem području Sokoca te nađeno više od 60 isječenih vozila visoke klase najnovije proizvodnje, kao i tri cijela automobila, za koja se sumnja da su ih u prethodnom periodu ukrali pri-



Sa privođenja osumnjičenih

padnici organizovane kriminalne grupe. U srijedu je uhapšen i Velimir Simić, koji se navodno dovođio u vezu sa ubistvom Gorana Mijatovića Mite, predsjednika Fudbalskog kluba Bežanija, 2. oktobra 2006. koji je stradao u eksploziji autobombe u Beogradu. Simić je poznat policiji i po tome jer je, navodno, bio član kriminalne grupe Darka Eleza.

Kako se moglo nezvanično saznati, kradljivci su za dio ukradenih vozila tražili otkup od vlasnika, dok su neka odmah rastavljali i transportovali za Srbiju i Crnu Goru.

U svom internet- blogu novinar Slobodan Vasković naveo je da je došao do saznanja kako su u ovoj akciji uhapšeni samo izvršioči, dok je navodno šef te grupe B. S. još u bjekstvu. B. S. je, kako navodi Vasković, vozač visokog funkcionera SNSD-a i direktora jednog šumskog gazdinstva.

Vasković je napisao da B. S. štite čelnici sokolačkog SNSD-a i jedan pripadnik CJB-a Istočno Sarajevo, te da su se ukradenu vo-

zila rasklapala i sjekla na nekoliko stotina metara od kuće policajca koji štiti B. S. Ukradenu vozila su se rastavljala na livadi, a potom su u škodi oktaviji karavan dijelovi prevoženi u Zvornik i Bijeljino, odakle je dio prebacivan i u Srbiju.

Provjera

Ove navode pokušali smo provjeriti u SIPA i CJB-u Istočno Sarajevo, te kontaktirati B. S.

Međutim, Kristina Jozić, portparol SIPA, nije mogla ni potvrditi niti demantovati da ova agencija traži za B. S. te istakla da bi bilo kakvo iznošenje podataka moglo ugroziti istragu. S druge strane, Danka Tešić, portparol CJB-a Istočno Sarajevo, istakla je da će svi novinarski navodi biti provjereni, te dodala da će, ako se ispostavi da su tačni, policajac biti sankcionisan na odgovarajući način. U "prozvanom" šumskom gazdinstvu nam je rečeno da B. S. uopšte nije tu, a da je odsutan i direktor.

D. P.